



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-43277-37/21
Sarajevo, 30.12.2021. godine

KANTON SARAJEVO
SKUPŠTINA KANTONA SARAJEVO
- OVDJE -

PREDMET: Odgovor na zastupničku inicijativu zastupnika Samira Suljevića, dostavlja se

Zastupnik Samir Suljević je na nastavku 45. Radne sjednici Skupštine Kantona Sarajevo, održanoj dana 14.12.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo uputio zastupničku inicijativu vezanu za uređenje Aleje veterana na Gradskom groblju Vlakovo.

„Da se u Budžetu Kantona Sarajevo za 2022. godinu na poziciji Ministarstva za boračka pitanja Kantona Sarajevo predvide sredstva u iznosu od 350.000,00 KM za uređenje Aleje veterana na Gradskom groblju Vlakovo“.

Na upućenu zastupničku inicijativu dajemo slijedeći odgovor:

ODGOVOR

Ministarstvo za boračka pitanja Kantona Sarajevo nema obavezu niti nadležnost da provodi bilo kakve aktivnosti, uključujući davanje saglasnosti i osiguravanje sredstava za izgradnju i uređenje grobnih mjesta.

Dosadašnje aktivnosti Ministarstva za boračka pitanja Kantona Sarajevo koje se odnose na Aleju veterana su vođene u cilju općenite podrške poboljšanju statusa i digniteta boračke populacije, jer drugi subjekti nisu adekvatno i na vrijeme reagovali, i u tom smislu su na pozicijama Ministarstva za boračka pitanja Kantona Sarajevo u ranijim godinama bila izdvajana značajna finansijska sredstva.

Ministarstvo za boračka pitanja Kantona Sarajevo je u smislu otkupa i uređenja otkupljenih grobnih mjesta u Aleji veterana na Gradskom groblju Vlakovo u periodu od 2010 – 2019. godine putem KJKP Pokop d.o.o. Sarajevo implementiralo iznos od 2.485.000,00 KM.

Ministarstvo za boračka pitanja Kantona Sarajevo je po osnovu Urgencije za obezbjeđenje finansijskih sredstava za izgradnju i proširenje Aleje veterana na Gradskom groblju Vlakovo od strane KJKP Pokop d.o.o. Sarajevo dana 27.04.2021. godine uputilo Odgovor broj: 06-11-11051/21 u kojem je navedeno da se ministarstvo više ne namjerava u operativnom niti finansijskom smislu uključivati u proširenje i uređenje Aleje veterana na Gradskom groblju Vlakovo (niti eventualno na drugom mjestu), jer se ne radi o našem resoru/nadležnosti, a sva





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

planirana sredstva svih budžetskih korisnika u konačnici ulaze u jedinstveni Budžet Kantona Sarajevo.

Ministarstvo za boračka pitanja Kantona Sarajevo pruža općenitu podršku navedenim aktivnostima, odnosno traži da svi subjekti u okviru svojih nadležnosti maksimalno pruže podršku očuvanja digniteta branilaca Bosne i Hercegovine i tekovina borbe za Bosnu i Hercegovinu.

Ovakav stav ministarstva je istaknut i na sastanku na kojem su bili prisutni predstavnici nadležnog Ministarstva komunalne privrede, infrastrukture, prostornog uređenja i zaštite okoliša Kantona Sarajevo, predstavnici KJKP Pokop i predstavnici Ministarstva za boračka pitanja Kantona Sarajevo.

Nadležno ministarstvo i KJKP Pokop doo Sarajevo su nakon sastanka dogovarali dalje aktivnosti, uključujući implementaciju sredstava planiranih na pozicijama Ministarstva komunalne privrede, infrastrukture, prostornog uređenja i zaštite okoliša Kantona Sarajevo.

S poštovanjem,

Obradila: Elzira Arifhodžić
Kontrolisao: Velid Imamović

MINISTAR

Dr sc. Omer Osmanović

Dostaviti:

- Predsjedavajućem Skupštine Kantona Sarajevo;
- Zamjenici predsjedavajućeg Skupštine Kantona Sarajevo x3;
- Službi za Skupštinske poslove Kantona Sarajevo;
- Stručnoj službi Vlade Kantona Sarajevo;
- a/a.